

MAJLIS PENYERAHAN PROJEK PEMBAIKAN MENYELURUH RKAT TAMAN SENTOSA & BLOK GA PANGKALAN UDARA LABUAN

airforce.mil.my/berita/acara-rasmi/3018-majlis-penyerahan-projek-pembaikan-menyeluruh-rkat-taman-sentosa-blok-ga-pangkalan-udara-labuan

LABUAN, 12 Feb 18 - Timbalan Panglima Tentera Udara, YBhg Lt Jen Dato' Sri Ackbal bin Hj Abdul Samad TUDM yang mewakili Panglima Tentera Udara telah menyempurnakan Majlis Penyerahan Projek Pembaikan Menyeluruh RKAT Taman Sentosa dan Blok GA Pangkalan Udara Labuan hari ini. Ketibaan YBhg TPTU telah disambut oleh Panglima Wilayah Udara 2, YBhg Mej Jen Dato' Shabre bin Hj Hussein TUDM, Komander Pangkalan, YBhg Brig Jen Dato' Sardon bin Hassan TUDM serta Eksekutif Pangkalan.

Di dalam majlis ini, YBhg TPTU telah menerima Kawalan Kehormatan dan memeriksa anggota di Pergerakan Udara seterusnya dibawa melawat ke Rumah Keluarga Angkatan Tentera (RKAT) Taman Sentosa bagi melihat sendiri pembaikan yang telah dijalankan.

Beliau kemudiannya dibawa ke Blok GA PU Labuan bagi menyempurnakan sesi tandatangan dokumen Serah Terima Projek bersama Pengarah JKR Labuan, YBhg Tuan Hj Jaafar bin Ahmad serta penyerahan replika kunci dan gambar projek. Kesemua pembaikan 42 buah rumah di RKAT Taman Sentosa dan Blok GA ini merupakan satu kejayaan kerana ianya telah siap pada jangkamasa yang ditetapkan.

Majlis diakhiri dengan sesi pemotongan riben sebagai simbolik perasmian penyerahan projek Rkat Taman Sentosa Dan Blok GA PU Labuan.



